


夢澤集

臺灣國家圖書館, NATIONAL CENTRAL LIBRARY, TAIWAN, R.O.C.



夢澤集序

夢澤集者齊安王君之作也君名廷陳字稚欽
號夢澤子曰以名集之父南墩公濟

孝廟時登壬戌進士為吏部郎生君穎慧絕倫
髫齡即能綴文殆由性靈非假師授黃童也謂
無雙倚相時稱能讀咸楚產也君實似之吏部
公愛之甚常云王氏千里駒復見此子矣甫冠
舉于鄉越丁丑試春官俱為禮經第一廷對擢



高第選為庶吉士與東浙汪子應軫江子暉關
中馬子汝驥許子宗魯任主曠子灝大梁林子
時曹子嘉西蜀余子次勳楚穎子木暨君並擢
藻揆天敷華緯國得人之盛彬彬首是科矣江
子為文鉤玄獵秘雜以古文奇字指既闕眇語
復聾牙令讀者謬根眩覺至莫能句隱口汗頰
而罷王君每有所造輒大叫以眎人曰有能增
損一字者願以千金為睹恐呂覽金年莫可得

也又好為譏評由是人多陽服而陰憾之矣歲
餘解館拜為吏科給事中值

毅皇帝將南狩在廷羣臣咸諫止之章奏日盈
於公車不獨言責也汪子乃激衆詣

闕下上書宰相熊峯石公典司館教危言沮之
曰倘禍叵惻老夫力莫汝庇也旦賦烏毋謠大
著玉堂之璧語侵石公公為大慙其縱誕多此
類先是忌者以館中譏評語寢淫聞於政府政

府衙之書上果諷吏部出補州郡吏竟得裕州
夫脂韋磬折不習其容訟牒填委又非所好至
則治尚嚴棘不畏強禦法行貴戚有鷹擊之風
謁御史不為少貶迺晞附權勢文構釁稔遂使
鍾儀繫冠於楚囚鄒陽按劍於梁獄悲乎

今上嗣位湛恩汪濊虛納曲貸諸子稍稍晉復
君獨註網擯棄穎子嬰禍尤烈至使患同黨禁
而榮異彙征去均淪墜而進卑薪積世共惜之

自後一紀而余忝己丑進士識昆崙山人於都
門山人者張詩也雅善諸子間與余道夢澤事
目聞其詳余亦濫有時名諸子引與締交未嘗
不延頸想見王君也况負才使氣亦與同病尋
以觸忤權貴賴

天子寬頌謫為黃州理官是役也不以左遷為
恨而以得繼蘇長公為榮不以赤壁為樂而以
得見夢澤子為幸下車曰何迺乘雪造其廬時

君足跡久不入公府余置自外負居由別館君
亦不惜造余乍奉半面驩若平生接以杯酒申
以贈章辭載集中夫王氏業紹青箱官聯朱紱
為楚世家君又令其子暨弟若姪從余游嗟乎
君胡白首於衆而傾蓋於余余亦胡為在衆欲
殺而在君獨憐也頴子雖清揚未覲而芳訊亦
數相聞矣君屏居幾二十載釋纒於爵服娛志
於琴書覃思古人專精作者屢勤剡薦耻赴為

招觀其上顧中丞陳監察書若嵇康之絕山宰
及寄余懋昭舒國裳二劄即楊惲之報會宗其
節槩可想見矣君方欽英戢銳撫謙履坦不以
才華傲物而以道術誘人使早年砥行能然可
優游以取卿相然未能宣耿介發孤憤如晚歲
所虐也固知書成於玄趙賦就於還邛人壽榮
名豈有既乎終不以彼易此矣夫楚多材之邦
而辭賦之藪也屈原見誣於上官宋玉蒙詬於

登徒彌衡被害於曹瞞然其志則爭光於日月
而其言則等敵於霄壤矣君亦奚媿哉是集也
樂府古詩潘陸齊軌下擬陰何五七言律沈杜
以肩叅之盧駱文效左氏國語而兼騁班馬書
類東京尺牘而雄視崔蔡足以不朽矣凡詩賦
十一卷文六卷共十七卷成一家言舊刻于家
塾季弟雲澤君廷瞻刻於淮陽姪三湘君同道
又刻於吳中而吳板益精矣二君皆以進士為
理官善治獄號神明茲淮者以賢拜河南道御
史蒞吳者亦被徵行矣三湘謂余知夢澤最深
命序諸首嗟乎甲寅之秋余有滇南之後取道
齊安訪君故廬見其子若孫歔歔收涕賦詩弔
之茲復序之是生叨敬禮賞訂之支孔辱彥昇
筆札之託不敢辭三湘者不忍負夢澤云爾言
惡足為集寵哉

皇明嘉靖乙丑秋七月朔

賜進士第奉政大夫吏部司勳郎中出僉雲南
按察使事吳人皇甫沄書

夢澤集卷之一

黃岡王廷陳撰

賦

述遠賦

際南服之靈萃兮領豐慧於方童稽統世之軒崇兮惟哲
入焉以降歛翼振而霄舉兮紛齊羽之誰蹤戴殊虜以通
秩兮帝寔洞其美秉羗嶽立而坎視兮將媒靜乎遐至中
寔愠乎攘攘兮詎徒與之求避譽命古以吉貞兮覽蕪蔓
焉是艾靡市背而岑聞兮曰惟嘗乎其內隈不及爰而崇
兮邈不疊疊而適彼衙衙之侈構兮及予瞻其足差抗陰

賜進士第奉政大夫吏部司勳郎中出僉雲南
按察使事吳人皇甫沄書

夢澤集卷之一

黃岡王廷陳撰

賦

述遠賦

際南服之靈萃兮領豐慧於方童稽統世之軒崇兮惟哲
入焉以降歛翼振而霄舉兮紛齊羽之誰蹤戴殊虜以通
秩兮帝寔洞其美秉羗嶽立而坎視兮將媒靜乎遐至中
寔愠乎攘攘兮詎徒與之求避譽命古以吉貞兮覽蕪蔓
焉是艾靡市背而岑聞兮曰惟嘗乎其內隈不及爰而崇
兮邈不疊疊而適彼衙衙之侈構兮及予瞻其足差抗陰

棟以締宇兮脩垣遵乎坤隅約蓀蘭使被楛兮今日月乎
當樞苟能負娛以安志兮是固予心之所仇重仁而襲義
兮障夫塵之累也扃禮而牖智兮壽乎其所事也吾將服
貞一以省處兮夫豈惟藝之圃也括道器以充誠兮回衆
兆之所駭也紛悻矚以矜貽兮欲干俗而儻而眩施而
弗竟兮乃各以其膚猜嗟躁士之本剝兮宜甫超而忽蹶
醜愾夫之懷詭兮乃讐直而委拆傷二者之借夫兮莖葉
施審厥居心務却以基進兮惟欲然裕其所如瞻景而冥
探兮所以居乎紛華彼時休之桃澆兮背繩墨而馳驟予
將服正則以恬守兮虞害步於歌嘒夫朋不可以聲棄兮
功不可以偶作疇廢伏而有章兮疇棄耕而能獲亂曰什
不僵兮進不妍歛神志兮守吾玄有弗據兮孰敢奸匪遽
道兮曷其然

左賦有序

夢澤予不善官見閔有司黜民乘之坐是拘繫自傷疾
惡反中乃作左賦詞曰

晝晦宵明川停葢行隆冬劇燠六月而冰墮毛不揚石舉
輿升廢輦振韻奮霆無聲羣欣逐臭乃厭蘭芳猜鷲駭鳳
精糗飼集仁躋德跼勁弧射堯恬海狎江臨續沉舳風虎
輟嘯土兕而號曠聽旣收聲司音矣彼之矇矇五色分矣

駿足則縛蹇服乘矣侏儒引臂上捫星矣醜女專憐媿媛
不御讐壁惠蠅踏巾首履適郭捐遠擇滌而步資獲閉勇
阨夫勁兮蠶兔折趾儻者競兮不根而葉李為孟兮亂曰
被繳之鳥載拔其翎彼實酌酒謂爾何醒寇踰其垣導寇
以登彼田不治懃鄰之耕

螢火賦

當朱明之杪月翫流螢之宵征感溫風之扇燂釀腐草之
末榮既化植以為動復緣死而遂生庶揚光於冥間甘匿
景於太陽或內照之猶影焉燭以無疆謬用晦之寔有
實自焚之為防孰潛形而更昭孰蓋膏而罔竭何恒燭而
不灰何灸手而弗熱彼玄宇之巧入訝明珠之翻飛偶發
颺之散激駭星辰之乍希菟儵明而忽滅蓋石火之暫輝
爾其代燈燭於書筵紛軒除以見掇幸蝌蚪之與隣聚朋
侶而囊括將炫赫以階危恨微軀之難脫亂曰日月出矣
燭火何為闇然而章聖哲弗譏伯楊守黑豈適禍機

夢澤集卷之二

黃岡王廷陳撰

詩

將進酒



丁福運際昌期歌太平聖無為坐明堂奏咸池酌醴泉餐
 靈芝壽萬年天與齊一縣諫鼓燔刑書徵能錄小過除吏
 廉明民安居三年耕必有一年之餘絕爭訟無嗟吁二新
 不聞舊愚不妬賢人不習佞朝不信讒舊害不作和氣充
 然壯士服疇隴却走馬以糞其田不聞父天子道逢多華
 顛皇心大悅日彈五絃三

閻闔行

閻闔開賢人庸鳴鼓問擊鑄貢術蓄指微哉同汲清亦附
滓鮮株稿羨紛以供背叛腹媿逐翁如書之矢十斛弓械
逐而西頃却以東退乖安侶進喪貞朋捷徑窘疎武仁執
罕哉通孰為雌孰為雄朝卷日走夕試則為嘉妃竄蕭艾
生蘭叢蒙首以征吾將奚從

煌煌京洛行

辭我故里來遊帝鄉誰云月道險喻羊腸一車馬如雲意
氣揚揚昔為奴虜今狎侯王解二解不先乘軒神父鳴墻唱騶
馳道徵歌教坊解二千金買動百寶為裝風雷一擊日星迴

光

解四朝探飲窟暮宿名倡明呼六簿縱賭千場解五傾財結

客隱罪匿亡名齊郭解入此孟嘗解六

對酒歌

人性稟靜躁物則準方圓錐刀各有能情好各有妍陰靈
難並祈恩怨難兩全於此雖不容於彼獲所安人無億萬
身何能徧周旋兼濟聖不贍榮枯有自默富而如可求尼
父願執鞭

其二

惠施已不作莊生寡所宣伯牙失鍾期抱琴誰為彈知人
誠不易知己良獨難周公輔王室管蔡乃流言骨肉且不

諒他人固宜然

其三

伊呂稱大賢會合亦有因湯文荀不逢耕釣終其身人生
一世間如風激纖塵下者投濁潦高者入青雲風力中不
競飄轉終沉淪得失難預謀謀之徒苦辛聖哲皆偶然餘
子何足陳

燕歌行二首

來日苦短去日長人生幾何髮已霜佳辰置酒開我堂賓
友雜進樂方繁絲哀竹流清商薄暮移尊向曲房挾瑟
進者邠邠倡約袖結腕清歌揚色與心知撥明璫微風蕩

裾開異香脫簪免髻玄澤光起視池中雙鴛鴦雙星皎皎
在我傍欲往從之河無梁

其二

出門何易見苦難川原鬱紆路千盤河中鯉魚去不還耿
耿思君不能言攬衣中夜坐長歎含情怨獨凋朱顏明月
穿帷照孤眠君昔贈我青琅玕我欲碎之寄君看欲碎且
止聊自寬馳光流景催歲年容色不待君可憐恨無羽翼
起雲間

白紵辭五首

高堂邃宇施翠帷蘭膏明燭散朱輝二八接武步舒遲被

眼姣麗光陸離彈箏鳴瑟商羽移喜溢歡恣不自持轉盼
含嬉屬所私索觴勸君君自知主人既醉客不辭燭滅纓
絕珠履遺

其二

朝露未晞夜霜零衆芳凋歇鷓鴣鳴逝者如斯不復停入
生百年命忽傾為君秉燭縱遊行三星在戶參差明騰猷
飛爵何縱橫垂羅映穀耀珠纓衆中不言懷隱情色授神
馳流目成士女雜坐交和歌河轉參橫柰夜何

其三

投君漢濱之玉珮獻君洛浦之明珠感君提攜祝壽昌
日堯年樂未央為君楚舞紉袖揚亦開尔合低復昂嬌若
白鵠雲中翔雕楹綺閣迴素光竿瑟會節間笙簧樂極悲
來起徬徨共指皎日輸肝腸烏白馬角誓不忘

其四

吳歛蔡謳調不同衆伶合作如一宮流鄭激楚迴迴風嫋
姿脩態紛追從人聲絲竹各競工燕趙齊秦射代供曜靈
西藏曲未終繁燈列炬亘筵紅皎如初日輝簾櫳

其五

娛酒沉歌費白日絕代佳人何可失若戀似矜態非一持
觴遙進嬌相迫左推右引俠氣溢簪珥墮落寧復索文牒

朱綴開洞房錦衾瑤席施象床五色雜組繫流黃複帳中
薰百和香層軒曲檻俯回塘鴛鴦灘鷗羅成行生丁盛世
福運昌四時為樂允無疆

擬矯志篇

龍虬雖困不資鱣鯨鸞鷲雖孤不匹鶩雛雖有香草當戶
必除雖有仁人在敵必誅狐白雖美炎暑必置舟車之用
易地則棄蕙蘭不采無異蓬蒿干將不試世比鉛刀以驥
捕鼠曾不如狸餓夫獲璧不如得糜郭生純臣魯連高士
彼乃登臺此則蹈海寧直見伐無為曲全寧渴而死不啜
盜泉

放歌行

竊鈎者誅竊國者王仁義資亂道豈不滅一解代秦者呂襲
楚者黃巍魏國君大盜在傍二解謂尺何短謂寸則長此不
可度彼胡可量三解獸殪吾裂鳥盡弓藏智勇既殫軀乃見
殃四解諛巧為忠直夫稱狂出門異趨毀譽曷常五解樂不可
極憂來無方游心冲虛以保壽康六解

雜謠五首

茸茸者離而子踐之彼垣之蔓晨興灌之

其二

兔在麓跌則逐居則肉

其三

虎嶸嶸欲食人子能棘我能榛虎自災子孤來我戈來

其四

烏母謂烏子弋人在傍汝勿啼弋人得知將汝歸我但高
飛起安能救汝為

其五

翁曰留賓嫗曰無尊翁曰織絲嫗曰無機

知足吟

高門耀金碧不如守蓬廬華轂錯丹朱不如乘蹇驢文繡
衣太牢雲門享爰居溢恩伏殺機陰禮與禍俱禽獸憚為

犧人知乃不如

來日大難驚變而作

來日大難天命奈何今日為樂焉如其他一遊魚在淵其

適孔多漁子餌之奄矣二猛虎噬人咆哮山阿人懷

禍心同室嘯歌三山陰可越王玷可磨機一失尺瀆成

河四解祖龍疾走逐者剗赫赫武皇亦有何羅五解嗟嗟不

戒愛子操戈釋此弗殲天也則那六解

擬古龍升天湏浮雲

龍升天湏浮雲今之仕者別有內察不待孝廉科不必賢
良一旦舉之牛下加之禍人族類鈎連蒙溢恩乳臭之子

被冠簪。嗟彼未遇時。星中豪士奴役之。中人之家耻婚媾。
飲宴列之為下賓。并日一舉火。徃徃終生塵。今者銜命歸。
縣令負弩為先驅。郡守伏道左。徒御何逡巡。少長咸聚觀。
稍近遭呵嘖。腰繫雙白璧。囊貯萬黃金。散金拓第宅。朝得
西舍暮東隣。少年強攀附。有踰骨肉親。白首牆東生。下帷
良已勤。短衣不掩脛。出沒行負薪。我聞憤憤何能平。將欲
叩帝而說陳。天門九重河無津。

艷歌行

青樓臨廣陌。楊柳常隄垂。飛來雙白鷗。一步一徘徊。解一今
日樂相樂。置酒臨前池。下有菡萏花。上有松栢枝。解二

與君初結婚。不意當乖違。說言使親踈。兩心當自知。解三君

為東流水出門。不顧歸妾為北辰。星終身無轉移。解四君當

萬里行。妾當守中閨。生歸重合歡。死與黃泉期。解五

行路難五首

北風蕭蕭雨雪滂。辭我親友之朔方。中閨少婦走徬徨。勸
君斗酒牽衣裳。道路縱橫多虎狼。狼歲暮天寒百草黃。結髮
本期不下堂。君獨何為慕他鄉。東流之水不西歸。宛轉蛾
眉能幾時。人生富貴亦有命。辛苦馳奔空爾為。縱令鼎食
有別離。賤妾但願共舖糜。

其二

磁石引鐵金不連餌可得魚龍不吞蠟戟雖妍不可刺明
珠雖貴不可餐水中之車何殊陸地之船玉卮無當不以
注白乃倒持安用銛手中雖有丈八矛試之井底難迴旋
雖有輕輿駕良駟途窮日暮安能前丈夫雖有磊落才生
不逢時終蒿萊

其三

面不同兮心亦殊執一求之君何愚星有好風或好雨世
人豈得均所圖孔贄韶兮墨非樂遵此馭兮陽回車林中
亦有嗜腐鳥海上猶聞逐臭夫此欲前兮彼則却彼所吐
兮此復鋪泥席接襟議靡恆異域殊疆志或投達人曠視
任自然小儒曲士競區區

其四

忠信不獲顯衆人害其上世事風波紛蕩漾變化無方何
可狀公旦金滕功罔刊伏波銅柱師何壯周王漢帝豈不
明謔言入耳心不諒骨肉天親尚有疑他人豈得無遷放
生命飄蓬隨所向繁華誰保不凋喪何為坐歎行復嗟鬱
陶終日憂譏謗

其五

四坐且莫喧聽我促節歌路難我今四十迫衰殘盛年一
去何當還昔片為遭絳灌怒今來豈受金張憐泰山可移

志不徙寒燼從知無再然但願長隨擊壤民優游鼓腹歌
堯年

少年行六首

幽并聞騎射閭里藉輝光朝遊從許史夜宴挾姬姜鳴鞭
當大道調瑟坐中堂傍人爭借問云是羽林郎

其二

聲蓋少年場名冠壯夫籍行人總譁塵坐賓皆避席彈劍
恥依人探丸恒借客一朝及罪道不受追兵迫

其三

長安本俠窟烈士多英風故人帝輦側射獸上林中金羈
及狡兔珠彈落高鴻歸就博徒飲酣歌意難窮

其四

悲歌白日變裂眦秋雲高枕家諒不釋怨吏幸無遭全生
脫虎口獲死等鴻毛豈效偏冠子終歲濡柔毫

其五

一筵揮萬金徵歌仍調舞白面洛陽童素腕邯鄲女希意
色斯升含情目相與恣歡餘萬端惟憂竭清醕

其六

應募去幽燕長驅出酒泉樓煩既已破休屠亦復殘恥隸
驃騎部豈屑輕車官歸來見天子長纓牽左賢

出自薊北野行

胡匪茹冠朔方信妖師造不祥。倏豕突忽鴟張逾回中。至
 涇陽蹂稼穡發蓋藏遭者劉奔不遑父失子女求孃聲斷
 絕摧肝腸天為愁日無光不有華懼厥殃一解帝赫怒命徂
 征方召徃衛霍行旗旒揚組練明介馬馳速流星朱燹烈
 玄顏蒸仗中權效先登人皆奮身命輕二解出鴈門過祈連
 煎瀚海夷天山絕累重燼毳羶整三姓殊兩賢谷蠡殫當
 戶殲斬首虜如刈菅血釁欬頭繫鞍膏漬野骨填川檻厥
 魁凱以旋三解捷書聞不色四解庭臣賀帝曰止嗟我軍寧無
 死詔扶傷兼罪已五解馬歸六解士服田死錄子生與錢戍軍

吏勿副邊羗無過漢不先務休息思保全罷遠戍閉玉關

韜五戎壽萬年五解

俠客篇

千金飾寶劔四牡耀朱纓東馳突西驚重諾復輕生公子
 執轡請諸侯擁篲迎給秦歸質子要楚出援兵按劔復魯
 地憑軾下齊城匿跡托狗屠濟難賴雞鳴報讎爭結交殺
 人恒借名七國倚安危三輔咸震驚詭辭五嶽移側足九
 鼎傾少年附高義千載流英聲安能效豎儒覩事徒撫膺

子夜四時歌一十二首

春歌三首

東風蕩羅裾冶遊步前池柳條亦多情嫋娜學腰肢

其二

初華錦繡舒千林望如一懷春廢機杼綠素難成匹

其三

晝飲夜復宴笙歌緣底忙不是無來日但欲及三陽

夏歌三首

珍簟卧當風四面不施幃即呼起同遊待儂著絺衣

其二

輕舟蕩雙槳紆轉蓮塘裏君但惜蓮花儂貴得蓮子

其三

腕困置扇坐鮮桂苦汗流歡言勿懊惱三伏已將過

秋歌三首

貪看秋月光夜久不還寢西顧寂無人玉階有雙影

其二

日日苦思君紅顏忽成老昔若三春華今如九秋草

其三

共歡種梧桐十載青雲齊百年化雙鳳來此樹上棲

冬歌三首

與歡隔溪住凝冰周四壑冰上野狐踪歡行勿憚薄

其二

白馬雪中馳色混影難覓不知即去路但見馬行跡

其三

對雪具清耐強歡再三進歡愛雪舞筵儂恐雪侵鬢

猛虎行

上山採樵道逢猛虎虎銜樵去置之林下樵告虎言君何不仁君得一飽我則殞身昔非有怨今何見嗔虎荅樵言何哉所云子非我怨我非子嗔皇天賦性有此不仁樵告虎言君言雖辯匪我攸聞吾聞天地大德曰生騶虞不殺獨匪爾倫虎荅樵言當死小虜亦何多陳三日乏食竄伏荆榛辛苦見遭索何舍君樵得虎言仰天大叫哀聲徹雲

虫蟻惡死况乎我人願收厲氣敷和布春盡令猛獸化為龍麟

遠遊篇四首

賜谷既闡濛汜則榮朝宴未終倏忽至冥逝者不息物理相乘願呼松喬躡景上升

其二

徘徊崑丘憇駕層城遨遊八極徧謁僊靈飲我沉瀣玩我芝英俯視下土虫鼠臭腥

其三

手攬羲和頓策徐行歸謁東父遂造紫庭投我神藥服食

體輕一舉萬里疾如迅霆

其四

逍遙天衢恣意所之手持桂枝駢駕虹霓晞髮朝陽濯足
咸池昊蒼徧歷懸景未移

君馬黃

君馬黃臣馬蒼蒼者驚黃者良驚馬却良馬前君當進臣
當旋

妾薄命

春風轉蕙披蘭高臺曲榭中連經堂入與張筵秦箏趙瑟
俱前鳴絃度曲雙妍輕舉純袖襖襖宛若游龍翔鸞翠盤
金爵闌干呈能角枝為歡種種厭射更端眼看陽景西馳
高張蘭燭承暉車倦馬怠不辭但歌不醉無歸夜深坐促
尊移含棕送意向誰衆中色授君知願言並蒂雙棲惡聞
易別輕離佇立不勝彷徨獨宿寤言難忘何以報君明璫
起視銀河爛光牛女咫尺相望終夜不成報章

戰城南

戰城南困城北縱橫腐肉烏鳶食一將侯萬夫死聖人用
之非得已國之守在四隣善戰之臣服上刑佳兵者不祥
器常勝之家道所忌孤人子寡人妻獨人父母安忍為鏑
戈矛滅烽燧敢爾熊羆長不試鷓鴣逝鳳凰來與民休息

歌康哉

怨詩一章

隕葉眷柯斷株懷帶寒霰靚溫陰巖希霏顏魄愠玄駛潮
憎逝令德鮮終良辰忽替

湖上行

麗服出芳郊香車臨綠水
榴連天桃下宛轉垂楊裏
妝憐草色鮮坐逐花陰徙
相攜拾翠行暫拉聽鶯止
忽驚玉珮遺時將芳樹倚
紛紛遊冶兒側目情無已

鷺鳥四首

鷺鳥化為鳩形換性亦易
有時遭故群歛翰自遠避

其二

石苦則生莪炙美毒滋多
吐炙乃茹苦遠欲以療痾

其三

鷓鴣運天池斥鴳翔藩籬
大小各有適何用相追隨

其四

蓼蟲不徙葵水蟲不遷陸
習苦翻避甘能寒豈慕燠

夢澤集卷之二

益羨溢俟虧紛彼便嫫子作意相追隨智殫力云匱成經
曷能移

其五

徂捷反見執豹文乃來田鸚鵡舌為災翡翠羽自殘醜惡
非可居才美適禍端置身當何所材與不材間貴寵安足
希庶以盡吾年

其六

天網捲八荒翔走盡其曹大人操利刃揮網使奔逃殺獲
豈不多貴有踈釋條渾沌鑿已久胥庭徂復遙刑書代附
益權家紛蝟毛跬步置一窵荼苦動見遭民窮詐轉出獸

一夢詩集卷之五
十九
窘恣咆哮介者不慕飾胥靡豈憚高無令自棄民生此全
盛朝

其七

儒生峭崖岸抗顏論詩書磬折周倫類直方向朋徒吐辭
厲信義皎日耀天衢外吏高潔談腹內蘊穿窬命侶發瘞
子探口出含珠金椎碎疔頰青青歌應臚聖言豈不偉反
為行劫需誦說苟非人階亂豈勝誅

其八

擊鼓以求亡疾馳以逃影驅介以乘高騷蹇以求騁揮丹
喪其柄振衣失其領趨舍昧良圖存亡在俄頃

其九

軒后謁大隗肅駕登具茨徒御摠聖靈中道迷所之邂逅
襄野童再拜稱天師仲尼大聖人未敢輕小兒神智有不
通稱蓋抱真知咄嗟世路子耻問甘蓄疑終身昧太行皤
皤良足嗤

其十

民食美芻豢鷓鴣甘臭陳西子豈不都魚鳥不見親萬類
殊所嗜物豈慕非倫箕畢各有好况此世上羣情欲孰為
正參差何可均黜智任自然悠悠葆天真

其十一

吾愛漫集卷之三
九十一
名非已有禍患在頃臯生命無延期昏旦有不虞拂水
合之去矯步升天衢陟降太微堂上帝授靈符六氣備朝
餐雙蚪結飈輿消玉饋我漿馮雲構我廬聖真進杯觴靈
妃奏笙竽三光代列炬四海注一盃抗臂抑羲和六龍且
徐徐微瞬市朝易日月曷云除名漏泰山錄鬼伯無迫驅
舉手謝世人安能與爾俱

其十二

里中有一士栖栖蓬戶間動依高士跡居謂先民言益中
無斗儲枿上衣無完藜藿并日得糲絮豈禦寒伏臘祀每
廢妻子頽苦艱常恐志節虧不肖親知憐入門四壁立顧
之絕愁嘆饑食拒嗟來渴飲避貪泉一簞恒晏如回也稱
大賢

其十三

姬旦制冠裳萬古承其賁偶以衣徂徠奔騰嬰且棄承雲
木妙音鱗羽爭辟易魯門鍾鼓聲轉使爰居悻物類何續
紛人已非一致躋哉尼父言蓋各言爾志

其十四

曜靈條西沒圓景承其輝飄風蕩曾雲零露忽已晞急節
不可淹大暮焉能遠天象會有復嗟哉人命微林楊積湯
火榮名非我希幸不嬰網羅何用起高齋妾接浮丘公

手升雲巍玉醴對坐傾瓊華聊可噉

其十五

京洛冶遊子浮湛聲色場青驪服文輿丹組繡羅裳朝朝
狹邪間順風揚芬芳高堂置廣宴曲榭開闌房分曹效百
戲作使徵名倡良庖膾肥鮮珍饌溢圓方朱華忽西逝蒲
膏嗣其光客醉賦無歸宵分歌未盡為樂自今日千歲因
其常安能轉多忌歎息懷虞殃

其十六

甘辭背德義盡言招罪尤效忠主未諒施恩誰見酬直道
鮮所合險路焉可由民生媚其朋玉石各育偽害此但安
坐芳時忽戒遁去來固成理非合非人謀灰心置計較遺
棄親與讎去適無窮野超世離殷憂

其十七

達士志慷慨貪夫思保全有身則有患消散固其然伏波
甘馬革莊周快鳥鳶用意匪一趣大要歸明賢愚者闇桑
榆鬱鬱坐自煎思慮損眠食恐懼懷冰淵感邀向賓客勸
勩終歲年多圖寡攸成繁辭累其愆展轉不獲紓賞恨寢
重泉木槿榮一朝日夕用長歎

其十八

河清不可俟川逝誰能止朝露忌太陽夕日愁濛記歌舞

化塵埃都邑生荆祀大運厄陽九銷毀固恒理填海精衛
勞逐日夸父死齊景悲牛山晏嬰笑未已彭殤孰短長無
生悟方始

其十九

梧宮肆詰辯齊楚兵始連弦高犒秦師鄭國賴以全齊樂
不可犯范昭知有賢誰云制勝術乃在樽俎間君子慎幾
微禍福基一言覆水各自流事去誠可憐

其二十

疑似不可涉李下與瓜田毋言出婦口雖當未為賢周公
功信偉二叔反流言實沈與閼伯日起尋戈鋌骨肉尚不

免何望他人憐夜玉至無因匹夫按劍前鴟鵂據腐鼠仰
視哂鴟鸞苟非明君子安能弭禍端感彼朱苓章勸哉其
舍旃

其二十一

處世悵悠悠結交誠草草舳舻濟重淵璣衡測穹昊人心
懷嶮巖對面施傾倒莊惠亦有疑張陳終莫保托身恨已
晚知人苦不早揮袂去人羣採芝歷雲島

其二十二

言笑色雖親致毒乘其昧一旦弛周防勺水成湍瀨禍亂
在須臾何有細不大牧視後者鞭撻瘁思其外舟壑竟難

恃軒駟何足賴先民亦有言高明鬼所害慶吊非異門驕
蹇詎能會

其二十三

元化運天地碩輔須英雄草昧若無侯大業何由隆匡時
各有人如雲附飛龍二八贊虞庭胥靡翊殷宗周公出天
屬鼓刀應非熊為猷苟切施踈賤靡不庸下世收舉肥斥
異多引同豈乏侷儻士無媒終固窮

其二十四

儻俛信無當躑躅常苦憂傷哉世路交同源終異流執手
愛不淺轉而起身儻傾側悲負欺怨毒生綢繆彎弓日相
向乘利來迫道薛公一獲罪賓客誰顧惜炎炎廷尉門灰
寂令人愁胡越使相為安危在一舟輕薄市中童反復誠
獨羞煩思發憤慙自茲絕交遊

其二十五

日月亘天塗照耀各有時榮枯若循環智巧難控持賈生
愁遇鵬莊周憚為犧糾纏誰不嬰文繡焉能辭放言用自
慰虛無誠我欺得失去來間北叟廼深知

其二十六

昔聞有遊女逍遙翔碧潯交甫下請佩解贈情亦深可遇
不可持變化愁予心影滅珮亦失漢廣無由尋盻睇絕髻

鬚徘徊逮夕陰青鳥忽來過貽我金石音憂思耿難忘寫
意於鳴琴自傷非儔類感激長悲吟

其二十七

愚公亦非昧智叟未為得獻疑親反嗔贊詭諫為德大人
計億代俗士愁日晏通蔽鮮一致損益非易測

其二十八

忽忽行欲暮遑遑復何之征馬立踟躕遠道安可期霜霰
被原野北風吹我衣孤鴻飛且號虎兕夾林啼崎嶇不獲
騁徒旅長嘆咨回車亦已晚失路良可嗤嗟哉客遊子念
此早旋歸

其二十九

窮達有自然鬼神柄其施安坐值渥恩周旋失所宜佩玉
乃不兆歷組襁抱兒上卿屬稚齒即署淹龐眉巧宦目馬
安斯言恐亦非豈無多智人徃徃困蒿藜

其三十

蜉蝣不知夕楚楚矜衣裳人生若塵霧覩茲立傍徨世事
沓而至心力苦不遑運往悵莫追憂來嘆無方智巧雖百
出得失亦相當少壯與時逝精神自彫喪逼此悔恨生稅
駕名利場按諜訪芝草天路期翱翔列僊非我儔瑤水邀
無航俱置勿多畏恬澹安其常

其三十一

中歲獨玩世蕩志娛絃歌婉變思一顧輕薄日來過妙舞
進北里娼媚趨狹邪資用每不贍謗議橫相加茲年忽醜
老讐禍悟已多昔人重知非慨嘆今如何澡身祛垢氛考
室潛巖阿幸不即徂謙庶得附龍蛇

其三十二

茲歲忽云暮駕言出城闕楊林翳白日岡岑蔽玄雲荒原
離獸馳寒鳥鳴索羣上有百尺臺下有千古墳登高一騁
望思我平生親延佇久不至俛仰懷酸辛萬物靡不化千
載猶茲辰驅馬復來旋詠歌聊飲醇

其三十三

倚與雄傑士猛氣蓋八埏出身赴國難受命不遑安左臂
引烏號右手提龍泉臨敵試一呼萬夫却走還先聲四海
沸壁壘俱破殘旄頭化石墮天吳蟄重淵西北淨胡塵東
南蕩蠻煙茅土非所希貴使威靈全長揖返故廬功高何
足言

其三十四

至人處斯世忌為人所知十漿五先饋列子驚且疑避寬
不足貴爭席乃庶幾大白每近辱卑濁良可棲豈效夸毗
子作意矜容儀結束轉自媚恣態令人悲髣塗飾軒轂步

趨陳未齊危冠禮迂士褒貶厲嚴辭媮媮不敢干矯志逃
世譏皎潔難久居青蠅忽來隨秉美孰云亮毀譽在一時
敗軌屢相縈遭躓當路岐

壯士篇

少年學劍術英風聞九州慷慨出門去辭家將遠遊遠遊
欲何之炎荒為我仇昨聞遣飛將召募何時休國威有不
揚無乃壯士羞奮矛如迅端拔距踰亭樓猛氣伏羆虎騰
躍捷獼猴置身百戰場妻子不顧留性命良足憐聊以紓
王憂揮戈盪蠻烟飲馬江漢流餘勇萬人賈雄傑無匹儔
功成獻明庭賜爵位通侯

遣興三首

八方異風土百里殊陰晴夷夏殆天設終古難合并權家
但好勝持議乖羣情孤軍病深入問罪慮無名客主既不
知師老功難成常恐強弩末遂令小國輕安得長者言立
談罷交兵皇恩均萬物各各遂其生

其二

南裔雖一區嶮阻紛可憑民居寄谿谷霧雨常晝冥妻子
像蛇虺魑魅冒人形沙虫潛射影觸之喪其生古來稱絕
域何足煩天兵吾聞王者師無戰唯有征一卒不備歸良
已虧威靈地於東南缺天乃西北傾二儀有不足弁包人

豈能

其三

高宗代鬼方三年乃能克不聞徐方來允在王猷塞耀武
與脩文收效孰為得試看古戰場春雨生荆棘

眺江閣述感

偶遺丘中步來眺江上閣祿裏呂王城草邊邾子郭遺宮
隱莫尋徃牒恍難托春深苦竹滋秋高白楊落故堞啼早
鴉野田噪暮雀頗為樵牧資焉免狐鼠虐雍門裘有餘九
原何可作

雜詩九首

絳絡寒不求續絮暑不御當其不切施棄置若弗顧時節
忽復及效用乃如故冥運不無代物理豈常遇功成互見
奪乘時各有驚嗟哉團扇姐怨歌良已誤

其二

手持一杯水覆地東西流榮悴有自然萬卉同一秋翩翩
者誰子作色矜遨遊朝見馳華軒日暮歸山丘憂來不可
知為慮何能周貪夫昧成理磬折將焉求天命無改施智
巧誠足羞

其三

日月競馳邁一夕復一朝臨鏡失故吾壯心潛已消聖朝

棄賤士九牛亡一毛豈不希末榮所苦術不饒無能令身
貫何為使心勞莊生誠我師大鵬寓逍遙

其四

獨處忽不樂理棹凌洪波巨石何澆潑魚龍駭經過舍舟
復安適改軌登山阿木魅號夕風猿猱一何多禽虫饒怪
形林谷聲相摩失路積憤懣逝景忽蹉跎雲中可遊遨之
翼將如何

其五

漢臯有遊女揮袖凌風翔俯身拾翠羽舉步振雙璜芳華
耀朝日皓質凝秋霜嫣然惑陽城婉孌切中腸將來恍
旋何由置蘭房徒倚通精誠青鳥逝我傍揚聲致殷勤再
為申禮防徘徊湍瀨開綺羅不能忘

其六

燕得亦無失喜來憂患乘崇高帶傾覆陳根吐鮮英反覆
爾存亡臭腐含精靈如何聲利徒備饒趨譽名季子竟車
裂累印何足榮李公具五刑悔令遊說成賣主愆自招上
書誰為明萬事有不虞道遙可長生

其七

芳春驟青驪遨遊楚江濱道旁若堂封云是呂王墳衢路
化陌阡臺館盡燒焚陰風嘯寒鴟古隧翔狐羣牛羊牧其

巔凌藉日繽紛生
存華屋居媼妾從如雲
一朝寢重泉貴
賤何由分龐公困隴畝
耕稼良已勤誰知千載後
史冊播餘芬

其八

中園種桃李不言下成蹊
凝霜被原野零落愁安歸
盛年有銷鑠窮達在一時
便嬖途路子俯仰乍榮輝
夸名何足賴怨毒常苦滋
靈龜歡在塗雄雞憚為犧
膏火忌自煎斯言誠可悲

其九

羲和馭六龍馳光耀萬星
一潛濛汜間沉淪不自理
楚宮煩憂動戒神悲歌仍躑躅
鬱鬱道傍柳垂蔭昔何綠
嚴霜日夜零枝葉不復屬
四時相推斥變化一何速
俗子驚聲華世儒矜結束
立身多所重年命傷局促
子其愛景光抱道在白屋

別張子魚三首

斷蓬隨天風飄轉雲中遊
豈不戀本根一失非我由
矯矯雙鴻鵠高飛命其儔
獵子隱側目橫絕焉可圖
托身貴得士安卑義所尤
之子遠行邁棄我不顧留
思欲並子濟漢廣無方舟

其二

鳴鹿在中野獲草求其羣嗟哉昔所歡一散如飈塵虞卿
棄相印擔簦狗情親悔吝不自惜義聲流千春此道息已
又遺響誰為申子其懷瓊璫慰我多苦辛

其三

霖雨積旬朔羲和光不乘荆棘被廣野潢潦生中逵客子
阻遐征太息當路岐策馬從子去駑駘焉可齊君羽等飛
鸞我質類栖雞同袍異羽質去留長此辭

閨情二首

種木期息陰結交期得心與君初婚時安坐調瑟琴繫我
大秦珠貽我玳瑁簪攜手同車遊徘徊步春林俯拾並蕪
華仰聽和鳴禽折芳交贈情言誓一何深寧期被說妬
我忽如沉曠歲不一接塵埃生錦衾明月入空帷中夜坐
悲吟發篋理故物淚下誰禁故物猶光彩故人安在
疇知恩愛移不俟顏色改

其二

端坐結憂鬱逍遙出中閨丹雘冒陽林流泉激清池孤鳥
西南征遺我鳴聲悲攬衣起相從迅影不得追踟躕立庭
隅目送浮雲馳雲馳風為驅風返雲亦歸君恩中道是
戒恒渴饑

別曹仲禮四首

與君一為別，畧度逝不停。奄忽二十載，親串日以零。短者已物化，存者非壯齡。况復異鄉縣，散處如晨星。但言長相思，豈意今合并。顏鬢各已改，不易惟茲情。孤鴻唳，鳥聲嚶嚶飛，鳥戀儔匹况乃稱友生。

其二

別子大河側，見子長江濱。對面但疑嘆，含意慘莫陳。豈無新知歡，念此同袍人。扳留不須臾，義陽忽以淪。奮身思繫日，天路邈無因。安能附高翮，一舉摩青旻。飽者豈念饑，貴者羞賤貧。薄終古所尤，交誼貴在伸。故心苟不移，何必會合頻。慷慨即長路，無為兒女仁。

其三

中夜起相送，白露塗我襟。低頭惜分手，舉頭傷辰參。斗酒良不薄，對之不能斟。唧唧草間蟲，助我揚悲吟。為君拭綠綺，彈作清商音。物理關人情，淚下不可禁。谷風刺小怨，孔公贊同心。延陵寶劍高，義垂至今親。友信不薄先，民良可欽。

其四

冷冷山下澗，童叟山上松。鄰鄰澗中石，瑟瑟松上風。石不俱飈奔，松莫從物理。相倚藉動息，雜可同與遊。宛洛矯若雙飛龍，中道悵相失。末路欣此逢，既逢不須臾。去

復當嚴冬霜霰集衡軼虎豹啼林叢子其慎桑榆勞謙以
令終

園亭言懷

駿死骨誰市象焚齒自累棄置悲團扇齟齬嘆
荆橋化樂與魏教棄素無金張援焉取丘園貴農圃徇世
業桑麻綜歲計實飽三士樵芳引八公桂春原露未晞秋
臯霜已被偶緣物態感遂與神理契晷度無能淹金石亦
善故願言齊得喪庶以紓勞瘁

歲暮雜興十首

年徃志亦減譽來毀乃加
慕標標存身悟龍蛇大隱但城市嘉邈豈烟霞

其二

孔公深贊鑿賈生虛忌鵬屈仲在一時憂喜本同域河清
豈能俟途窮安足哭久息漢陰機莫問成都卜

其三

一片壯齡改相知白首踈干時計轉拙好客資苦無飯牛
當落日牧豕入平墟行年忽老醜何意逐名譽

其四

人情皆喜新世路惟嘉壯鶴寵遠見珍薪積後居
龍陽悲遺簪少原悵盛年亦有移溢恩何可仗

其五

寡欲處易安抗行俗難合巢林祗一枝繞樹猶三匝竟日
伯陽書經年幼安榻閉門客座空啟徑明簪盞

其六

昔惟樂遊衍今已識耕耨連畛東陵瓜一頃南山豆坐爰
林壑暝歸晚妻孥候倚楹見墟煙就枕聞山溜

其七

日月處無恒倏仰情非一端泥乏龍德悅華愧羊質周周
尚慮危鷄鷄猶暮匹紛紛馳突予何不虞顛噴

其八

偏才互短長名家殊去取連城償燕石千金享弊帚不識
東家聖翻謂西施醜定價且目前知己俟身後

其九

讒毀行見迫慈思坐不聞會長者仁懷壁匹夫災在鳥
愧能言處木其不材終謝金籠閉幸免匠石猜

其十

景曜一何速志業百未酬所願則學孔吾衰不夢見
各有營貴賤孰無憂松子久戒欺萱草為誰求

夢澤集卷之四

黃岡王廷陳撰

詩

送倫子畢娶歸

君不見倫氏之子才絕倫少小屬文如有神風雲獨奮九
萬里身世初經二十春獻賦朝趨北闕下上書暮歸南海
濱誰知弱冠親迎客已作君王侍從臣珠明玉潤无相媚
苑柳宮花春自醉霄漢翻為奠鴈行鄉閭競訝乘龍至烏
鵲橋邊問石年鳳凰樓上吹簫地富貴婚姻慶非小文采
風流古來少花燭初從華館張鑪烟屢夢清班繞當朝爾

夢澤集卷之四

黃岡王廷陳撰

詩

送倫子畢娶歸

君不見倫氏之子才絕倫少小屬文如有神風雲獨奮九
萬里身世初經二十春獻賦朝趨北闕下上書暮歸南海
濱誰知弱冠親迎客已作君王侍從臣珠明玉潤无相媚
苑柳宮花春自醉霄漢翻為奠鴈行鄉閭競訝乘龍至烏
鵲橋邊問石年鳳凰樓上吹簫地富貴婚姻慶非小文采
風流古來少花燭初從華館張鑪烟屢夢清班繞當朝爾

是歲星魂遊世還來金馬門他年割炙詎諧日方朔重沾
漢主恩

發裕州短歌

黠卒前來意氣雄當堦縛我囚車中颯颯驚颺動地至城
捲赤霧摧丹楓城中之人走相視城外蕭蕭嘶曉轡道上
殘楊掃凍帷過鴈鳴蟬雙迸淚人生作吏何太苦囊無一
錢身被勇可憐妻子盡畏途南征白晝愁豺虎古來玉石
怨俱焚骭髒安能就珪組

聞子言消息因作短歌寄贈

憶昔江楓赤葉下含悽別子城之隅買舸遙尋沔陽守張
一
夜宴即官湖宴能迢遙歷鄉縣行邊宛轉隨游樹過境
令車馬迎歸途翻為鶯花戀大梁才子更相看平臺大
揮金甌囊裏贈金快意盡聞君累月醉青樓春生始渡
更河岸入門妻子親為爨壁上龍泉今在無因歌長夜何
時旦楚客相思不記年尺書無復到南天江馬故人祿苦
薄寂寞誰當送酒錢江上忽逢燕地客停杯問訊悲今昔
丈夫不仕空有才世人誰識文章伯况子丹房已屬人茅
茨低小莫容身堂前燕雀俱飛去洞口靈芝祇自春

胡生行

廣陵胡生少且孤十五已作奔竄徒踪跡彷彿不可詰白

人長跪乞為奴苦遭惡少相窘迫飲令行酒乘前驅片語
不投怒詈起鞭笞竟百聲無膚季布鬚鉗不辭辱范睢折
摺仍見拘夜半群奴解其縛生也遂得踰垣逋頃來江上
始一見造次能將書自薦畏途倚藉即交親杯酒酣歌忘
貧賤乍喜仍愁若病狂忌言往事慚顏面從來龍性不可
馴須知豹采終當變三年展轉客湔川湔川人士盡相憐
卓家文君正新寡琴中疊奏求凰篇共羨名姝諧賦客俄
驚碧海變桑田恩情中路忽棄指白頭之吟誰為傅泛梗
飄飄貪別浦浮雲冉冉向遙天人言胡生太不才我獨念
之增悲哀男兒失意無醜好高名自古為身災故將踈放
取嘲笑吁嗟俗議真過哉

憶昔行寄張龍洲內翰

憶昔赤壁張華筵與君共醉長江邊白鳥飛隨金馬客
蒼苔坐嘯赤墀賢豈知雲雨散不延尊前紅日墮山川予
逐白雲歸楚澤君隨明月上青天天中謁聖人獻納為近
臣馬遷石室羞前史方朔金門見後身鸚鵡州邊忽分手
鳳凰池上頻回首但使同心各一方何須對面銜杯酒俱
稱賦客異升沈臨風三復白頭吟相如未逢楊得意漢室
誰當奏上林

楚岸吟寄年子

楚岸長楊垂至地百鳥嬌啼春自醉晴絲冉冉墮碧空風
光頗為遊人媚我家黃子國君住鄂王城大江東下雲霧
接滔滔應馮故人情憶初同領南宮宴白馬青袍花暎面
本期霄漢正翱翔寧知世路多更變我歸十年前君歸十
年後榮華顛倒若夢中人情翻覆無不有安能顧墮甌自
今心不開陰巖積古雪白日何當來我將振衣從子遊請
君洒掃鸚鵡洲逢日經行桃竹杖烟波搖漾木蘭舟須令
漢水變春酒更遣大別為糟丘蛟龍自吟鶴自舞仙人銑
笛沈高樓留連坐待明月上翠娥勸飲來沙頭竹林諸賢
真瓊瑣高陽酒徒安足傳嗟此會難即得使我悵望無
時休君不見楚宮寂寞臺殿荒歲歲東風開野棠三閭顯
賴竹吟處千古猶傳杜若香丈夫眼底安足計君行來采
莫相忘

寄曹仲禮

吁嗟梁甫吟何哀白日黯慘浮雲迴繁華忽與東風別幽
壑不見陽春來憶初謁帝承明廬頗將詞賦追相如意氣
當時惟爾我文章絕代互吹噓正逢漢武勤邊畧同奏文
園諫獵書杞園憂天傾傍人笑為狂精衛杜銜沙何禪海
茫茫雷雨晦冥起倉卒散失非我能周防寧知垂翅青天
後虞羅獵矢猶傍徨予仍下獄大梁城謗議雷同真吹聲

全生虎口信不易一死鴻毛良可輕推肩覲面復苟活踞
天踏地長悲鳴前榮後枯嗟世事翻雲覆雨見人情昔日
結交二三子張口欲言禍及矣請兵誰為哭秦庭擊筑何
曾歌易水感君山嶽心不移張公神劍合有時矯首南天
瞻北極聊持芳草寄相思

張公行

張公一生豪俠徒作吏風塵性氣盛千金快意買歌笑禮
法區區安足拘傾心倒意向賓客推牛置酒恣歡呼忽傳
姓字坐沙汰歌曲未竟門客逋昔時請謁為親者倉卒化
為秦與胡已經十日伏草莽欲去不得仍躊躇我聞故劍
為予起仰天疾視情無愉世間萬事盡雲態白衣蒼狗在
斯須神魚處陸困蝼蟻驚鳥翻身避獵狐李廣有時愁醉
尉魏其何能庇灌夫古來豪貴有顛倒張公張公莫嘆吁

寄潮江子

江生突兀揚文風千竒萬怪難與窮博物豈惟精爾雅識
字何止過楊雄古心已出丘索上遠旨或與神明通求深
索隱苦不置一言忌使流俗同令弟大篆逼鍾鼎絕藝恥
作斯邕等生也為文遣弟書一出皆稱二難並縱有楚史
不可讀蒲堂觀者徒張目少年徃徃致議評生也不言但
捫腹君不見好醜從來安可期豪傑有時翻目疑伯牙竟

為知音惜卞氏能無抱璞悲請君寶此無易輒聖人復起
當相知

東湖書院歌

東湖之岸雲對林仙人樓閣長陰陰秋濤春漲巖洞圻風
雷雨畫蛟龍吟夕從班竹聆湘瑟更向蒼梧訪舜琴蒼梧
一去三千里明公突兀高門起富貴天涯重首立歲時堂
下悲流水疊疊尋源苦不置悠悠注海情無已故渚今池
宛相似卜築題名揔為此此地移家幾十秋風光如在楚
江頭誰云信美非吾土委以大觀皆虛舟已成新第象桑
梓更營別墅依汀洲神臯奧區表靈異廻溪複嶂閭深幽

花竹豈徒恣蕭散宮牆直欲備藏脩諸生四方遠親就羣
書萬卷紛校讎縣鍾待叩有餘響提刀迎解無全牛橫經
獨擁臯比坐乘輿時披鶴氅遊達者升堂許游夏愛客掃
徑延羊求一丘一壑豈足繫時止時行不自由懸車欲卧
弓旌迫鳴騶已出亭臺留千年科斗守篋笥四時猿鶴司
松楸只今霄漢夢江灘覺來枕簟失風湍山中悵憶八公
桂澤畔空懷九畹蘭四海蒼生未肯釋何日東山歸謝安

豪士吟贈王氏

君家高樓臨漢水落日悲風白雲起門垂楊柳千萬株長
條直拂洪波裏裁來繫舟古楊下秋深岸東蒹葭靡此時

歸思正鬱陶偶爾逢君行且止邀我置酒開綺筵庖子擊
肥兼割鮮海榴新擘寶房碎湘橘旋摘金子圓翠袖成行
獻歌舞授色知心次第前堂中食客多且賢寶刀錦帶光
接聯持觴遙進勸我酒四座為壽俱萬年平原十日飲未
足白首酣歌凌紫煙自矜膂力莫與伍俠氣翩翩尤擅武
角弓十斛左右張蛇矛丈八盤旋舞櫓上生駒六駁姿猛
士如林不敢騎控鬣鳴鞭一躍上凌馳緩步衆稱宜男兒
身手有如此壯節奇功皆可為君不見道阻天寒行旅苦
水有毒蛟山有虎請君殺蛟兼射虎惡少紛紛安足數

觀秋江晚渡圖歌

大梁五月成淹留披圖忽憶瀟湘遊眼底蕭條動秋色誰
驅楚澤來中洲烟霞掩映蒹葭郭鳥鷗點綴清虛閣敗葦
荒蒲豈雪霜崩崖圻岸迷丘壑岫口黃花幾歲開楓頭赤
葉何年落數舸依依古渡邊細聽那聞呼渡傳風帆浪楫
兩不動中流竟日空盤旋晝短天寒洞庭闊幾時可到蒼
梧巔松根一叟長箕踞瞑色沙光自猶豫蛟龍夜蹴濤如
山公無渡河且歸去我家住在江之濱十年落魄厭京塵
飄蓬海內渾無定沮溺嫌予數問津對此躊躇心目斷丘
也東西南北人

醉贈李道士西歸

尋師初到赤松家愛客聊停白鹿車皓首龍眉並園綺向
予歷歷道生涯早入匡廬尋五老晚從嵩少採三花花下
開尊玉液濃尊前拂檻紫芝重雲裏碧簫呼彩鳳洞中丹
竈護蒼龍蒼龍彩鳳相摧促欲上空虛謝塵俗緬懷紫氣
沒流沙便訪青牛度函谷函谷迢迢萬古存伯陽一去幾
朝昏到日如逢關令尹仍留道德五千言

夢澤集卷之四

夢澤集卷之五

黃岡王廷陳撰

詩

在館即事二首

長日稀朝謁燕之簿領無閉門人伴鶴染翰吏兼儒風砌
翻紅藥晴軒映碧梧雖云棲省署蕭散即蓬壺

其二

幸接神僊侶來遊翰墨林空庭無候吏古木有鳴禽疑義
更相析成詩衆與吟長楊猶未賦宴坐愧朝簪

院中齋宿

尋師初到赤松家愛客聊停白鹿車皓首龍眉並園綺向
予歷歷道生涯早入匡廬尋五老晚從嵩少採三花花下
開尊玉液濃尊前拂檻紫芝重雲裏碧簫呼彩鳳洞中丹
竈護蒼龍蒼龍彩鳳相摧促欲上空虛謝塵俗緬懷紫氣
沒流沙便訪青牛度函谷函谷迢迢萬古存伯陽一去幾
朝昏到日如逢關令尹仍留道德五千言

夢澤集卷之四

夢澤集卷之五

黃岡王廷陳撰

詩

在館即事二首

長日稀朝謁燕之簿領無閉門人伴鶴染翰吏兼儒風砌
翻紅藥晴軒映碧梧雖云棲省署蕭散即蓬壺

其二

幸接神僊侶來遊翰墨林空庭無候吏古木有鳴禽疑義
更相析成詩衆與吟長楊猶未賦宴坐愧朝簪

院中齋宿

落日閉深院齋心事事幽
雲梧縈徑色煙柳帶渠流
隱几春星擁焚香暗霧宿
窺人愛雙鶴對爾肅清修

駕出

享帝春正及行天羽衛攢
百靈迎萬乘夾轂候千官
後騎迴丹闕前旌駐璧壇
佇瞻馳道上佳氣逐鳴鑾

大祀

香殿臯氤氳鈞天九奏聞
帝臨趨來冕神至各風雲
肅肅宮壇啟依依黍稷芬
甘泉稱賦頌吾已愧雄文

駕幸南海子

南郊初禮帝上苑復誇胡
虎兕先聲伏車徒異輦趨
網羅張一面部曲用三驅
侍從羣臣在應知諫獵無

駕入

鏡音傳晚甸芝火動春城
一路青陽送千門紫氣迎
龍鸞迴國步星月扈天行
大內通宵入祥煙達旦生

慶成宴

園丘大禮協聖酒百官傳
霄漢流仙樂風花捧御筵
尊罍春殿月佩委夕輝煙
不數汾遊日真同鑄宴年

八厓周子邀飲未赴聊此
謝過兼索觀群公席上之
作

不赴仙堂宴幽期隔綵雲
祗緣憐數會翻遣惜離群
地迥

騷壇接天迴，劍氣分風來。度香草佳句，許相聞。

送周侍御按貴州

近憐周柱史，持節向遙天。霄漢花駟出，江湖錦纜牽。鸞盤
千棧閣，浩蕩百蠻烟。秦盡南征日，衣冠覺爾賢。

送夏大行奉詔覈南紀

我亦天涯客，看君萬里行。浮湘遷史跡，喻蜀馬卿情。雲氣
蒼梧野，楓林白帝城。壯遊茲不忝，海內早知名。

寄兄

吾家雙玉樹，何事自西東。鴈塔雲霄上，鷓原江海中。趨庭
萊子綵，旅食薊門蓬。祇益憐毛質，飛騰萬里同。

寄鷓鳴寺真人

悵憶遠師室，霜人一榻深。雲霞淹佛日，花鳥散禪林。閣俯
春城麗，軒窗晚岫陰。煩君招白社，於此謝冠簪。

郭外即事

病卧閉門久，占晴起看花。城行紆霧堞，草坐藉煙沙。綰騎
蘿風合，停鶯竹日斜。芳菲愁即歇，留賞滯生涯。

紀聞

禁城馳道接行殿，獵原侵布騎。圍熊館鳴弦，合羽林似聞。
驅猛獸已見失，前禽暴殄哀。天物仁哉祝，網心。

贈人

南塘倘士薄宦向西陬石竹臨江映春雲抱峽流徘徊
云國日浩蕩望鄉愁莫厭卑棲地三巴足壯遊

送劉振廷令慈利

別離古有調送爾一長吁遠下荆門鷓雙飛漢殿鳧鳴琴
依石篠岸幘眺春湖暇日煙花興風流陶令俱

劉氏雙挽

日月仙丘閱風流古調更尚餘松栢氣無復鳳簫聲龍舫
人間覓魚軒地下迎庭堦有玉樹應慰九原情

送李子中養病歸

省署辭京邑庭闈指太梁經年遺理對即日謝鵝行採藥

春嵩少紫蘿巖草堂君無戀脩竹人擬獻長揚

其二

游曠傷人事興衰感世情猶傳授簡叟無復袍關生客散
梁王苑人耕宋帝城行多懷古詠一一寄同聲

寄夏大行

銅柱標南紀荆門控百蠻詔從霄漢下槎過斗牛間江山
迴黯慘谿洞鬱躋攀預想趨朝日塵多邊徼顏

慰馬子足疾

漢帝羣臣侍居然司馬賢那能多病後不廢子虛篇鳳鳥
人爭覽雲霄翼可憐千金善自保清廟待朱絃

世其席上餞大復先生

夫子關西去板留我輩情風燈破暝色月旂助秋聲去住
天涯淚文章海內名從今賴侍從霄漢望金莖

過廖子故宅

庭嶽留尊處空餘覆苑雲馴堦舊鳥雀落日噪紛紛琴瑟
廣陵散匣遺封禪文悲風立馬際隣笛不堪聞

遊仁壽寺

鷲嶺迴琳塔祇林鬱近城幽人耽寂樂秋日偶經行巖
繫蘿細溪庭抱竹晴欣然坐禪榻聊以憩塵纓

九日登仁壽寺後山

九日攜朋出花宮背郭開蕩蘭坐香岫捫棘臨高臺鴈渺
川雲斷林孤甸色迴悲秋亦楚客作賦豈吾才

夜坐鄭子宅彈琴分韻得琴字

言訪少谷子呼童攜素琴為發絲桐趣俱諧山水心徑轉
松篁密堂虛風月侵再彈吾不惜此地有知音

寄八厓子

吾子嗟行役他鄉感別離一辭西掖路三復北山詩日下
花驄出天邊旅鴈悲亦知復不遠明歲及瓜期

寄顏許州

吾友二三輩無如回也賢慚非清廟曲得藉朱絲絃豈乏

雙魚至寧慳尺素傳離群今已久望子數子愆

送龍廷重為榮府長史

榮國今宗國君材實楚材周家親魯衛梁苑重鄒枚杖屨
丘園接琴書殿閣開天邊倦飛鳥霜雪早歸來

其二

未謝金門籍光諧靜者私
桃源春泛穩桂苑月遊遲
洞口漁人艇花間帝子危
茲行有詞賦不必吊湘纍

得周侍御子賢書喜作二首

自爾乘驄出令予愴別離
經年一書札萬里轉相思
天隔西南域秋憐鷹隼姿
霜空望擊搏莫使羽毛垂

其二

去歲吾鄉友追陪良可歡
升吟晚夕檻花宴簇春欄
豈意乖雲雨翻令隔羽翰
獨憐松檜色青翠耐天寒

雪東曹子

君本建安子來遊京兆天
時聞郢中曲共憶剡溪船
庭篠暝猶白檻蘿春欲烟
何當載酒過一問子雲玄

贈方子二首

近接棠陵子昂藏野鶴姿
跡留青鎖地聲徹白雲司
竟阻江湖去翻嗟燕雀欺
烟霄當奮起歸覓舊棲枝

其二

鄰並復同調過途數舉杯
謙公興不淺莊舄吟何哀
霞日赤城曉雲濤滄海迴
何當共舟去攜客訪蓬萊

立春

春旭自堪憐春愁旅病偏
暄迴沙甸雪潤合柳城烟
坐憶江臯上行知草樹鮮
淹留慨時序盤菜不須傳

天津月夜偕曹子舟坐

繫月舟航偶臨流鼓吹哀
星檣扶岸出霜葉灑汀迴
鵲起南天迥龍吟北海開
淹留候明發共爾一登臺

河西務別許子居

留滯金門客追陪盡省
即開筵迴浦激借檻出帆檣
琴動幽蘭操詩傳伐木章
風塵連解纜天地一沾裳

琬泊訪李仲玉

宵泛事幽尋危巖倒月侵
石門面蒼渚桂楫倚丹林
風竹和龍笛冰絃藉鳳琴
酒闌各分手天漢忽橫參

臨清舟次別曹子三首

憶昔同嚴譴隨君下瑣闈
龍蛇寒自逝鷓鴣晚分飛
棹憂城氛渺檣翻浪月微
轉令岐路淚暗滿逐臣衣

其二

對酒話今昔茫然來遠陰
逆鱗批不死回首感何深
此地一分手他鄉長別心
所期持壯節無復計升沈

其三

寡合時應棄多憂日不勝漢京瞻比日周道履如冰顧已
無長策徒然負直繩畏途各自愛舊署望同升

李沔陽自大梁經裕州因贈三首

雪夜梁王宴霜秋宋玉愁回瞻嵩嶽時去逐楚江流少室
三花對滄浪一葉舟南行正搖落知爾憶林丘

其二

湖水廻城郭風流暇日多宵追李白泛時聽越人歌伐鼓
驚鷗鷺揚撓拂芰荷須君為地主獨舸紗秋過

其三

愛汝今山簡為邦復水鄉幽懷寄魚鳥儉德續羔羊憑几
煙霞潤塞帷蘭杜香誰知詞客興不下大夫堂

齋中即事

候吏經旬少深秋百感生蒼苔侵竹戶白日下楓城鼓瑟
焚香坐窺園散髮行天邊慕鴻鴈故傍客愁鳴

被逮道中別舅氏歸

殊方秋更苦失路暫相將身世悲江夏軒車感涓陽勿傳
三木慘驟使二親傷會有生還日心無愧彼蒼

被逮發裕州夜作呈諸公

空館秋偏寂窮途旅易衰砌虫迎夕動塞鴈預寒來肱已

經三折腸應倍九回願逢吹律者坐使積陰開

懷故園書屋往年同伯兄講業其中

北道深歲月南望阻關河尚想雙龍卧翻驚獨鴈過夢勞
扳徑栢春擬葺垣蘿回首藏修地浮名柰爾何

有感二首

多難已如此良朋今是誰傍觀紛竊笑對泣一空悲虎口
幾不免人心安可知古交難獲覩三復谷風詩

其二

平生矜結客一旦失交親掉臂不我顧開心欲誰陳轉見
彎弓者那聞擊筑人翻思古游俠高義亦嶙峋

出繫侯放久未獲命並醫成詩

待罪形將影言歸去復留悲風憐代馬喘月慄嬰牛盡地
心猶憚呼天淚莫收強顏稱不辱俛首欲何求

出獄董氏宅夜飲書懷兼贈董氏兄弟

多難心逾壯高情宴獨遲風篁迷晚徑煙草暗春池射虎
還疑石驚鳥尚繞枝緣君念兄弟把酒鵲鴛詩

出獄後歸興二首

幸爾網能漏依然劍尚埋側身向天地壯志委塵埃覆水
今無及懷沙古有哀回思刀筆吏疑懼轉難裁

其二

孤憤辭梁獄高歌望楚鄉
烟花春汚鄂樓閣畫蕭湘
吊古標增慨尋仙事頗荒
何如共漁父一笑詠滄浪

同子言南歸道中賦竹枕二物

舊潛湘浦岸兼慕武陵源
猶造木無興成蹊本不言
七賢應共逸三士竟何寃
物態依竹色羈縻想故園

道中憇廢寺三首

徙倚前朝寺依棲舊法筵
狸啼白畫龍象泣諸天
寶樹縈蛛網蝸涎繡石蓮
給園猶寂寞歧路倍堪憐

其二

解綬辭塵網停車埋石筵
金花何地布寶屣幾時圓
殿古蒼苔積臺空紫蔓懸
那知此淨土煩惱障無邊

其三

寶地元虛寂金仙合杳冥
空林沈紫翠畫壁去落丹青
羈旅暫投跡殘僧一啓扃
迷方隨處是含意訊山靈

送人

楚地惜分手春風悵別顏
王孫草新綠帝子竹餘斑
干戈攜書去期君揚策還
男兒有如此應不滯鄉關

江上言懷四首

野闊風雲入天迴楚蜀通
渚禽多白鷺巖樹半青楓
哀怨湘君曲平成憂后幼
晚來懷古意極目送冥鴻

其二

岸東濤聲急軒凝野色重山懸神女雨江進楚王風舟楫
爭先涉閭閻急暮春平生壯遊興潦倒對魚龍

其三

平野蒼煙合高城白鳥過澤蘭懷楚客石竹隱湘娥谷響
歸樵唱江鳴發棹歌夕陽葭菼際將柰暮愁何

其四

月上船猶進江寒酒自寬弄珠元此夕解珮復何灘島嶼
樽前動星辰鏡裏看漁歌中夜起余亦飭綸竿

溪邊晚興

萬井皆秋色千巖盡落暉空喧隣牧散溪響夕漁歸初月
懸楓岸餘霞戀竹扉坐來憐夜永霜露入人衣

暮春偕二三子登定惠院亭

臺榭枕黃州春深岸幘遊雲欲開石壁地拔俯江樓觸目
烟花散傷心歲月流棄捐知己矣童冠幾銷憂

席上贈熊掾

吏事資儒術秋筵接故鄉周官欽八議漢法重三章亭倚
林巒赤園看橘柚黃卑棲勿嘆息毛質本鸞凰

夜簡王少參舟中

微省辭黃鶴蘭橈伴白鷗岸迴霜月抱江迥雲流銀漢

乘宵上金陵逼歲留田租聞賜減側識漢皇憂

觀江漲

旬月一來此懷襄真可憂龍蛇棲楸杪鷗鷺集城頭天接
江湖混波搖郡邑浮青錢吾已辦急為買漁舟

春日書室示諸子

家聲看子弟世緒衍箕裘豹隱文當變鸞鳴友可求專門
大戴禮入室汝曹優問里高門在須乘駟馬遊

劉子好辯而不過詩以贈之

美名吾久識雄辯古難逢君獨談非馬人皆好似龍早於
干祿拙晚向結交曠予亦棲遲者相將學老農

寄館中諸友

一斥嗟江國同遊憶禁林如聞視草暇猶有拔茅心人事
傷川逝吾生嘆陸沈百年頻泣玉衆口已銷金

江上贈夏明府

令尹官初試江邦政已成節如秋壁峻心擬石潭清願契
烹鮮理無矜拔薤名操乃知善割愛助亦吾情

喜廖子過訪席上奉贈八首

書劍經黃國肩輿訪白雲雲行沙草濕風坐圃梅芬軒冕
非吾意鳧鷖本自群無煩談世事杯酒但論文

其二

供奉遣東觀旋歸侍北堂
水冠照桑梓詞賦吊沅湘
野岸桃花發春洲蘭葉香
他時三徑裏遲子洗壺觴

其三

自喜暫無拘來從江海徒尋仙
憇黃鶴謁帝向蒼梧澤坐
舟偏繫山行杖屢扶知君留滯處
高興屬春湖

其四

未暇泛湘水徒然卧楚雲
神龍那可係野鶴故雜群
世路誰知己交情獨有君
懸知今夜別劔氣斗間分

其五

霄漢長懷侶江湖已卜居
山人惟白鹿學士自銀魚
名致

諸公早書朋萬卷餘漢臣誰得似
詞賦有相如

其六

地迥臨江閣天廻上斗槎
潛行歌白石好去羨皇華
登嶽元無極浮湘未有涯
明朝相望地莫遠暮雲遮

其七

別我寒移棹懷君暮倚楓
來經黃子國去傍楚王宮
谷口樵千樹山中桂幾叢
故園春定好留醉向東風

其八

奉使仍將母來遊荆楚天江光
藉日色爭繞孝廉船
翠竹新茁銀絲鱸可憐
帆邊梅柳對歷歷漢陽川

夜宴即事

樓開芳對合，選擣落花深。
向夕香風起，當筵皓月臨。
游人爭解珮，侍女拾遺簪。
坐上絕纓者，應知賢主心。

寄方思道七首

赤壁陪仙宴，蒼江識壯顏。
使君趨石上，候吏出花間。
解纜欲何往，投簪及此還。
長風解相送，一瞬萬重山。

其二

觀日臨滄海，歸山卧白雲。
遙尋少谷子，同謁武夷君。
心迹能兼遂，東南美並聞。
猶期為世用，且莫去人羣。

其三

偃仰非關病，連章祇乞骸。
鶯花供謹浪，杯酒送詼諧。
無用樗因免，難容匏已乖。
因風寄同調，好去入君懷。

其四

聞爾遊華頂，令予夢彩烟。
戶庭羅峭壁，枕簟落飛泉。
山有藏書穴，溪多送酒船。
春江如有興，花裏到吳天。

其五

憶爾東歸日，長為吳會吟。
春觴臨水曲，夜棹入山陰。
結侶遊能數，逃人去轉深。
蘭茝如可折，莫惜寄雲林。

其六

逢時非不達，憤世獨難平。
拔劍出門去，揚帆際海行。
雖貪

謝客賞猶繫子年情此地便高卧無令負聖明

其七

中朝俱屬望流輩總相推予慕長卿賦人傳幼婦碑七襄
終莫報九逝竟空思世踞風塵蒲茫無見汝期

奉荅富順王殿下二首

帝室分封重王孫別館開禮於南嶽敵客比小山才為善
心知樂通親表自裁雄風難可挹何日侍蘭臺

其二

國自荆藩析書從孔壁傳瞻天蒙肺附朝海切心懸賓從
思梁苑精誠感洛川晚來風稍勁吹月暈生圓

馬侍御見訪山中

村巷傳呼急秋園報爾過鳥啼城日曉鷹疾野風多繡服
臨樵牧花驄駐薜蘿霜威吾所憚暫為假陽和

其二

一辭金馬籍甘老白雲今喜子今持斧憐予此盍簪各天
晤不數末路契逾深徙倚庭前樹棲鳥欲滿林

湖泛

楚地饒洲渚騷人戀芰荷鷗舟張錦席龍笛起滄波鳥影
隨檣影漁歌入棹歌前溪聞更好欲進暮煙多

過諸子書屋寄虞文表

三禮傳非謬諸生仰獨深偶經伐木地徒有折麻心雪調
朱絃盡星文寶劍沉憐君困已久梁父自長吟

秋園酌謝子而贈之以詩

待汝頻扳桂憐予久繫匏無嫌一日長願結百年交啟戶
驚黃葉開尊藉白茅自無奇可問何恠世人嘲

其二

兒童操翰墨四十且無成自汝工諸體令予畏後生吾里
中丞裔前朝太傅名高才有如此真不愧家聲

其三

我舅為生祖生名較我嘉忘年稱小友累世屬通家王謝
賢非乏園廬路不遐逼衰偏篤舊數見惜年華

寄友人

之子鎮南荒威名萬里揚經年間選士計日欲擒王神武
元無戰佳兵乃不祥寄言投筆者何事樂開疆

喜舒鄭二子夜過

寒景沈江閣繁星綴石林一時來二子散帙復鳴琴高價
真連壁深盟可斷金從今三徑熟攜手數相尋

鄭生

鄭生才可憐白首困江邊長夏自饒睡窮途人餽錢相過
夜不厭與語日堪延共試山家茗呼兒行汲泉

馮太守席上留別一首

漢室馮公偉為郎歲月饒一麾煩出守白首竟誰招初雨
傳觴日微涼秉燭宵相看意無限明惜馬蹄遙

江上送張子二首

天風忽然至吹地轉蓬科別淚隨江水離聲雜棹歌花時
臨赤壁鴈候渡黃河京室懷予處長塞舊薜蘿

其二

他時懷大士何地望京華詞賦留香草水裘見紫霞天邊
今朔鴈澤畔已秋花歸路衝寒色翻思楚客家

謝氏宅夜集

過爾通宵宴若人樂事繁詩題芸草室觴倒菊花軒月落
城烏起霜寒檝馬喧醉來聊隱几旭日散柴門

溪邊二客過訪

白露窺楓浦蒼苔上石門人稀簷雀下草冷砌蟲喧竹裏
開三徑花間倒一尊從今延二仲相與樂丘園

秋日過十一叔庄

陶潛耽漉酒阮籍好鳴琴沙鴈衝人起山蟬傍馬吟高秋
花是菊僻地竹為林醉後迷歸路蒼茫下夕陰

聞曹子仲禮緣近臣之疏蒙賜還之恩事出不虞聊

題斯句

竄逐南天跼荒涼北斗文翻飛元不意憂喜在初聞驄馬
盡趨關金鷄兩赦君獨傷荆棘裏誰別鳳鸞群

病後飲十一叔宅同諸兄弟

川雲流苑細樓月照筵新弄玉元秦女凌波本洛神竹林
明積雪池草暗生春骨肉情親夜深杯慙採薪

溪邊即事呈友人四首

歲晚人猶隔汀寒晝不譁松門當遠岫竹檻俯平沙鷺宿
依水片鷗飛亂雪花如聞子猷棹乘興到山家

其二

空齋灘響入塌岸水痕除竹杪喧簷馬共邊走壁魚門無

題鳳字村有卧龍廬曲巷寒門裏空傳長者車

其三

推窻迎嶠上垂釣鑿冰開米葉先生柳餘花處士梅烏從
烟裏度人向雲中来暝色青溪上緣君首重回

其四

佳景每自愜幽期孰與論林開延岫色沙圯滅溪痕洗藥
穿松葉移尊傍竹根江山待詞客几杖向誰門

李國賓宅器別一首 李昔以賀歲會于京師

汝拜朝正表予留謁帝居經年思鳳吹幾度寄魚書患難
誼逾篤流連哀未除行吟恐憔悴他日帛三閭

送顧


冷風吹國客。淹留顧虎頭。我看方士傳。君向古人求藥果。
春心激風帆。晚浪收匡廬。傍南斗。歸作採芝遊。

襟卷東流。菜色香。結角。多。加。信。多。何。不。笑。出。中。巖。壑。者。

知。本。情。是。初。也。之。

好。志。為。樞。為。任。何。伴。手。之。強。新。日。主。特。如。搖。昨。見。年。之。何。
服。難。向。持。之。進。是。

夢澤集卷之五



的。新。是。初。之。新。在。事。自。之。後。者。危。分。明。一。句。之。言。法。
說。之。可。以。能。轉。現。

人。以。新。道。自。轉。九。一。亦。為。受。任。生。臨。自。就。羊。在。道。之。身。

山。而。之。道。之。自。能。

山。而。之。道。之。自。能。但。是。新。在。道。之。身。一。在。亦。能。持。

甘。雨。潤。之。萬。苗。

甘。雨。潤。之。萬。苗。入。海。後。之。消息。之。包。釋。之。難。好。之。操。之。身。

之。身。之。操。之。身。